


Loof die Here, al wat lewe


203



Loof die He - re, al wat le - we




wil Hom dank en hul - de bring




Hy het al ons skuld ver - ge - we;



ons 'n nu - we lied laat sing.



Loof Hom, prys Hom! Loof en prys Hom!



Loof die Va - der, God en Heer!

2.

Loof Hom wat in groot genade
ons deur eeue heen behou;
loof Hom vir sy reddingsdade -
Vas kan ons op Hom vertrou.
Loof Hom, prys Hom!
Loof en prys Hom!
Hy's genadig en getrou.

3.

**Soos 'n vader sorg vir kinders,
sorg die Heer vir wie Hom vrees.**

**Hy vergewe hul oortredings
en berei 'n vreugdefees.**

Loof Hom, prys Hom!

Loof en prys Hom!

**Laat ons Hom gehoorsaam
wees!**

4.

**Mense, soos die veld se blomme,
bloei maar vir 'n korte tyd;
ewig oor ons kleine kommer
waak Gods goedertierenheid:
Loof Hom, prys Hom!
Loof en prys Hom -
Ewige geregtigheid.**

5.

Loof die Here,
maan en sterre,
waar jul in die wydtes kring.
Loof Hom, engele en mense,
almal wat sy wil volbring!
Loof Hom, prys Hom!
Loof en prys Hom -
O my siel, bly Hom besing!